

## Мал үвлзүлхд сән белдвр кеджәнә

Яшалтинск района «Новый мир» колхозин 2-ч номертә МТФ-н (залгчнь үр Лысенко) малчнр, саальчнр үвләс малан таргън-цадхлнъ, гару угагъар авч гархин төлә эртәснь сән белдвр кеджәцхәнә.

Ода деерән көдләчнр мал үвлзх хаша-хаацан ясдж авчана. Малин үвлзньгүр 220 тонн өвс болн солом зөөдж хурах зөвтә. Терүнәсн 110 тонн өвс өггәд, хойр ик гидг скирд гәд хурачкв. Тәрә хуралгъна көдлмш дуусгдм бийәрнь, 80-90 тонн солом зөөдж авч сән седкл зүүджәцхәнә. Цуг эн көдлмшиг фермин көдләчнр, хәвргәс дөнъ угагъар, эв-

рәннь күчн-чидләр күцәдж авчана.

Эн джил тәрсн эрдни-шишән, суданк гидг ногъана ургъцнь йир сән. Тегәд саалин үкрмүдт үвлин туршарт элвгәр күрх шимтә теджәл белдхин кергт силос икәр дардж авчана. Малд өгх силосас өрәлинь газр деер дарчкск бәәнә. Саалин үкр болгънд 15-д тонн силос белддж авхин төлә цуг фермин көдләчнр зүткджәцхәнә.

Малд шимтә хот белдсн учрар намрин, үвлин, хаврин туршарт саалин үкр болгънас үсн икәр саадж авгдхнь лавта.

**Н. КАРПУН.**